



Gūus-y ne pagbã nengẽ koom», ti raa sãn yaa Madiin nebã yeele: Wënd Tën-tuumã, la sã n yaa sidã rog-pëtba? La a yeele: «Ad yända yaa kuum

Yii a 'Ukbat Ibn 'Aamir nengẽ, (Wënd yard be a yinga), a yeelame: Wënd Tën-tuumã, (Wënd puug la A tilgr be a yinga) yeelame: «Gūus-y ne pagbã nengẽ koom», ti raa sãn yaa Madiin nebã yeele: Wënd Tën-tuumã, la sã n yaa sidã rog-pëtba? La a yeele: «Ad yända yaa kuum».

[Naşun Şahuhun (Gom-sikdem sãn manege)] [B zema taab a zugu (A Al-Buħariy la a Muslim n reeg-a)]

Nabiyaamã bugsame (Wënd puug la A tilgr be a yinga) ti b ra wa tug n gëdg pagb nins sãn yaa puug zëmsã ye, la a yeele: gūus-y mense n ra wa këed pagbã nengẽ ye la pagbã me gūus-b mens n ra wa këed yãmb nengẽ ye. Ti raa sãn yaa Madiin nebã yeele: la sã n mik ti yaa sidã rog-pëtse, wala sidã tão, maa a ma-biiga, maa a saamb-biiga, maa a saambib biiga, la a tão poak biiga, la sãn wönd bãmbã, sãn yaa neb ti yaa halaal ne pagã t'a tõe n fur-ba t'a sã n da ka furi? Ti Nabiyaamã yeele (Wënd puug la A tilgr be a yinga): gūus-y wala y sãn gūusd kuumã! Bala tug n lak ne sidã rog-pëtba, a yaa bumb sãn wat ne fitna la halkr dīinã pugẽ, bala sidã roagdbã sãn zuug a ba-rãmbã la a koambã, n somb ne gidgr n yud neb nins sãn zãrã, bala tug n lak ne sidã rog-pëtã yända sōorã n waoog n yud tug n lak ne nin-zëngã, la fitnã wã sãn tõe n yu yẽ nengẽ yuda nin-zënga, la wëngã tõe n yii yẽ nengẽ n yud sãn kelle, fitnã wã me yẽ nengẽ, a sãn tõe n wa yuda ned a to, bala yända tõeeme n ta pagã la a lak ne-a ti kuug ka be ye, n leb n paasde, wat n lebga tilae ti yel-kãng yu, ti b ka tõe n gidg-a n yi pagã ye, bala nebã minimame n rikd yel-kãng ti yaa nana, ti rao wa tug n lak ne a ma-biig paga, maa a saam-biig paga, rënd yända a wönda kuum, a wëngẽ wã la a sãangẽ wã, la sã n yaa rao sãn yaa nin-zënga, yända b gūusd-a lame t'a ka tõe n maan rë ye.

<https://sunnah.global/hadeeth/mos/show/5888>

